

**UMNYANGO WEFUNDO WEGAUTENG  
UKUHLOLWA KWEBANGA LETJHUMI NAMBILI**

**ISINDEBELE ILIMI LOKUBELETHWA  
IZINGA ELIPHEZULU  
(Iphepha Lesithathu)**

**ISIKHATHI: 2½ ama-iri**

**IMITLOMELO: 120**

---

---

**YELELA:**

- Iphepheli lineengaba ezintathu A, B no-C.
  - Esigabeni A: Khetha isihloko sinye utlole ngaso kuzale amakhasi amabili.
  - Esigabeni B: Khetha isihloko sinye embuzweni ngamunye.
  - Esigabeni C: Khetha uphendule umbuzo owodwa kebuziweko.
- 
- 

**ISIGABA A**

Phendula umbuzo munye ngaphasi kwalesisigaba

**UMBUZO 1**

Khetha **ISIHLOKO SINYE** kilezi ezilandelako utlole ngaso kuzale amakhasi amabili (nofana amagama ama- 450 – 550)

- 1.1 Coca ngekulumo eyathulwa ngelanga lokuyelelisa ngeNtumbantonga namanye amalwele athathelanako.
- 1.2 Isono esenzeka lapha kurholela khona abantu abalupheleko.
- 1.3 Ingozi yokusetjenziswa kweendakamizwa.
- 1.4 Nakungenzeka ngibe ngomunye wabadlali abazokuhlungelwa iCoca-cola Soccer King.
- 1.5 Tlola indaba ephetha ngamagama la. “..... sekwaba nje.”

**IMITLOMELO YESIGABA A: [40]**

## ISIGABA B

Phendula **imibuzo emithathu** seiyoke ngaphasi kwalesisigaba.

### UMBUZO 2

Khetha **YINYE** incwadi kilezi ezilandelako utlole ngayo kuzale ikhasi linye nofana amagama ali-180 – 200.

- 2.1 Ekhenu kuzokuba nomnyanyakazi wokutjhadisa udadwenu ogade afunda eYunivesithi. Tlolela umzawakho incwadi umazise ngomtjhadiso lo bewumbawe bonyana abe khona ngelangelo.
- 2.2 Endaweni yangekhenu sekuvamile bonyana abantu abaletha iposo bangatlhogomeli nabaqala iinomboro zezindlu bese batjhiya iincwadi zabanye keminye imizi lapha zingayi khona. Tlolela isiphathiswa seposweni uveze ukulahleka kwamaforomo wakho webhazari athunyelwa ngenyanga yakaJuni 2005.

[20]

### UMBUZO 3

Khetha **ISIHLOKO SINYE** utlole ngaso uzalise ikhasi nofana amagama ali-180 – 200.

- 3.1 Kunomfundi olinyazwe ematatawini wesikolo lapha bekubangwa khona intombi. Wena bewukhona nakwenzeka isehlakalweso. Tlola umbiko oveza koke ozokuthunyelwa emapholiseni.
- 3.2 Njengonobhala we-LRC, ninomhlangano wesigungu lapha nilungiselela khona umnyanya wokulayelisa abafundi bakagreyidi 12. Tlola amaminidi walomhlangano.
- 3.3 Umntamamakho ubhubhe engozini yeembhesi eyenzeke ngeveke ephelileko emsebenzini. Tlola umlando wakhe ozokufundwa esilahlweni sakhe.

[20]

### UMBUZO 4

Khetha **ISIHLOKO SINYE** utlole ngaso ikhasi linye nofana amagama ama-80 – 100.

- 4.1 Kuzokuba nomnyanyakazi omkhulu weKwekwezi fm ibambisene nomkhandlu wabatjha wesikolo senu lapha eniyokubuthelela khona imali yesikolo. Umnyanya lo uyokubanjelwa esikolweni senu. Tlola isikhangisi enizosibeka eendaweni ezibonakalako ngomnqopho yokusekelwa ngelangelo.
- 4.2 UmNyango wezePilo esifundeni sangekhenu uzokuhlabela izinja amalwele afana namaRabi. Tlola isaziso esizokunanyathiselwa esikolweni senu sazise ngalokhu.

- 4.3 Ephepheni iDaily Sun kuvezwe isikhala sakamabhalana esikolweni samabanga aphasisi. Yeke njengomuntu ofuna umsebenzi tlola i-CV yakho ongafisa bona ithunyelwe kilesosikolo. [10]

**IMITLOMELO YESIGABA B: [50]**

**ISIGABA C  
UMTLOLO-NDABUKO**

Phendula **UMBUZO MUNYE** tere kilesisigaba,

**UMBUZO 5**

Phendula Umbuzo 5.1 nanyana 5.2 nanyana 6.1 nanyana 6.2.

***Ayikhulunyelwa Eziko – Jiyane D.M.; Mahlangu R.N.***

- 5.1 5.1.1 Khetha izaga uzibeke zodwa bese ubeka nezitjho zodwa utjengise bonyana umehluko uyawazi:  
Ukuba nguNzunza noManala  
Kotjhatjha akulilwa kulilwa komrhali.  
Ukutjhiya amabele.  
Ukuba sebantwini.  
Unombhenyani ukghanywa ziintuli.  
Umuntu mumuntu ngabantu.  
Ukukhulumela inyoni eziko.  
Ukukha ngeqephe.  
Intandani engafiko ilinde umnono.  
Ikghuru iphumile ngeqephe. (10)
- 5.1.2 Thatha inganekwana yesihloko esilandelako uyicoce kwangathi ucoce abalaleli: **Umuhlwa, itsikizi nomuntu.** (10)
- 5.1.3 Tlola imihlobo yeenganekwana ekhona elimini lesiNdebele. (10)  
**[30]**

**NOFANA**

- 5.2 Tlola ihlathululo yeenrarejo ezilandelako bewutjho bonyana sirarejo esifitjhani nanyana eside na?
- 5.2.1 Ngamasokana anzima akhambako aye epini. Ithi nasele ibambene atjhuguluke abe bomvu be, kuthi nasele ikhuphene ikani aphenduke abemthuthu. (6)
- 5.2.2 Ngesokana eligoma ngomsila. (3)

**Phendla**

- 5.3 Tlola umsebenzi wezaga, iinrarejo kanye neenganekwana. (11)
- 5.4 Tlola iimpendulo zezitjho ezilandelako:
- 5.4.1 Ukuthwala abantwana ngamazinyo. (2)
- 5.4.2 Ukubhodwa mtlhago. (2)
- 5.4.3 Ukubetha irhobhe. (2)
- 5.4.4 Ukudliwa ziintaba. (2)
- 5.4.5 Ukuzikhuja. (2)

(10)

**NOFANA**

**[30]**

**UMBUZO 6**

**Uzangenzani – Jiyane D.M. Nabanye**

- 6.1 Ngaphasi kwendatjana ethi '**Imali Yabantabami**', tlola uveze lokhu:
- 6.1.1 Ukufaneleka kwesihloko nendatjana. (6)
- 6.1.2 Isiphepho sendatjana. (8)
- 6.1.3 Ukuvezwa komlingisi oqakathekileko. (12)
- 6.1.4 Isifundo esitholakala endatjaneni. (4)

**[30]**

**NOFANA**

- 6.2 Funda indatjana elandelako bese uphendula imibuzo engenzasi:

“Namhlanje iinsupa zakhwezo zizakuphuma umkghado?”  
“Nomoya! Uyazi uyadelela. Ngubani oneensupa?  
Ngizakubamba ngikulise.”  
“Uzangenzani”  
“Ngizakwenza awungazi kuhle wena mfazi. Uthi ngineensupa?”  
“Ungizwile ungasi ngudofana, nawunganazo alo uphuhleleni? Yekeke yetjhe sibirimakoti begodu usiqede nini isidzwedzi?”  
“He! Ngizakuwahla mfazi. Uthi ungazi kuhle?”  
“Wahla sigide, njekhona ungibizelani ngomfazi awazi bona umfazi ngewenyoka.”  
“Vele awuziboni bona uyinyoka.”  
“Ngubani inyoka? Wawungaboni bona ngiyinyoka nawusangisomako. Uyazi yarhawula angithi wawudlhomezela ngemvakwami uthi atanda bewulile. Obi.”

“Ukokomeja bani Nomoya? Uyazi ngizakubamba ngikulise.”

“Ungabamba bani unje, ngathana gade ungibambile, akhe uthome sibone bona angizokuhlekisa ngabanganyana bakho nabomakhelwana na?”

UTjhejeni asilingeke khulu abone bonyana nakangaragela phambili nekulumo kuzokonakala azisole selenze umlandu. Aphumele ngaphandle alise nokuyokuhlansa ikoloyi, ayizamulise kanye anqophe emapulasini ayozi funela umsuqwa athi uzokunonisa ngawo esivandeni semirorho. Yena usikhuthali umkghwakhe begodu unomoya ophasi. Ukhamba nje ihliziyo iyafutha nengqondo ikghwakhwatha kude ibuye ithi dlha dlha la nale.

- 6.2.1 Ngubani okhuluma amagama la begodu uwatjho kubani?  
“Namhlanje iinsupa zakhwezo zizakuphuma umkghado?” (2)
- 6.2.2 Bekwenzenjani bekuphendulwane kabuhlungu kangaka? Ipendulo ayibe mumutjho. (2)
- 6.2.3 Umtloli utjho ukuthini ngokuthi:  
(a) Ngizakubamba ngikulise. (2)  
(b) Ingqondo iyafutha. (2)
- 6.2.4 Tlola ibizo lomntwana wakaNomoya. (2)
- 6.2.5 UNomoya ngunabani begodu wende kwabani? (2)
- 6.2.6 UNomoya lo kwangathi udelela indoda. Vuma nanyana uphike bese usekela ngamaphuzu amane unqophise endatjaneni. (2)
- 6.2.7 Ngemva kokulwokhu, uNomoya wenzani? Hlathulula ngamaphuzu amabili. (4)
- 6.2.8 Indatjana le ikhutjwe ngaphasi kwasiphi isihlokwana. Ingabe isihlokweso siyayifanela indatjana le? (3)
- 6.2.9 Ngisiphi isifundo esisethulelwa yindatjana le. Ipendulo ayibe maphuzu amabili asekelwe kwanqotjhiswa endatjaneni. (4)
- 6.2.10 Indatjana le iphetheke njani. Ipendulwakho ayibe mumutjho. (2)
- 6.2.11 UTjhejeni uvezwe njengomlingisi onjani? Veza ngamaphuzu amathathu. (3)

**IMITLOMELO YESIGABA C: [30]**

**INANI LOKE: 120**